

四庫

全書

四庫全書

全書

第九五〇册

四庫全書

●上海古籍出版社

本冊目次

翰苑新書
續別集集
(二)

宋不著撰人

一

欽定四庫全書

子部
翰苑新書別集卷二

欽定四庫全書

翰苑新書別集卷一

劉子

上安撫陳待制

戴象麓

某伏以中冬殷月癸日開明恭惟某官倣閼帥垣鼎新
教令一路忻躍三辰翊扶台候動止萬福某謹三薰沐
申慶函于籤府仰祈垂鑒

某頓首齊壇敢再上燕頤之儔竊惟昭代正人為天地
欽定四庫全書

翰苑新書別集

詳校官中書臣康綸鈞
主事臣祁韻士覆勘

總校官知縣臣楊懋珩

校對官中書臣牛勣文

膳錄監生臣王宜

以厚蒼生也卷卷訪堇茵憑之請某一飯必祝
某邇者恭審出緯大庭開藩會府軍民恃以存活上寬
西顧之隱憂道化得於源流僉謂北山之有子凡叨覆
煦舞蹈不知矧屬鞭驅懼忻何若某距踊三百
某恭以某官鴻名重望鉅業閑休日月衆目雷霆衆聽
雖兒童走卒皆知戴詠初不待乎才俊滿前道古今而
譽盛德者況某下吏方事鞭策之初惟知以直道事上

安敢飾為諛辭佞語以自詭斥謔用是不敢惟先生鑒

其愚直而畧之

某互鄉小子伏自違侍道德之尊動閱八載為養遂祿於塵埃接楚中自揆庸鄙無他惟知罄竭寸赤期以不獲罪於細民而已向者筮尉信豐誤蒙麾使令辟試茲邑又值瘡殘之際民物煎熬五載爬梳技已窮矣健令莫措書生奈何淑後之圖未知攸濟天開奇邁棲身照臨寬以一分則何啻拜萬分之賜矣某無任戰灼忱禱欽定四庫全書

翰苑新書別集

二

某不辟犯嚴僭躡申懇向者恭遇授鉞開藩之始禮合負弩先驅適值告謁東歸無繇俯伏道左拱聽新令贊函通名之敬亦併臯綏罪當萬生然事上禮也駢儷但丈不敢以後期廢冒昧瀆倘沐原貸而覽擲之某榮甚幸甚

某揆分有嚴不敢僭申層霄列仙之恭庇職微眇又不敢冒祈崇臺約束之日惟先庚教條三肅請命

上李安撫

戴象麓

某伏以維辰良月肇序穡寶登豐恭惟某官麟符肅重帝倚長城乾端坤倪續紛薦祉台候動止萬福某謹東向百拜薰被泓穎控忱于鐵府仰祈鑒省某仰惟一道保障之寄九重眷倚之深雉堞百城宅命師帥一飯必祝神共聽之衣衽之節鼎几之彝百飮自孚某謹不敢贅

某稽首道德重望如泰符麗天其去幾千萬級沉江右為州十一而斗邑又邈在梅邊英躔愈穹可望而不可通向者恭審高牙建府禮合申班箋函約束有嚴遲回不敢心旌搖曳徒劇尊磨

某恭以某官道契前脩望歷流俗一襟和氣如春風熙霽而廉頑立懦則與烈日爭嚴千古在前萬世在後北斗以南公實一人而已周旋中外所至傾心汲直在朝淮南謀寢頴川奏最次公遙歸九重傾注履聲久矣十連建牧暫勞于南綸音皆來跬步樞輔則霖雨之賜不

欽定四庫全書

翰苑新書別集

三

持西山南浦一方之私也某謹泚筆以嗣慶牘

某迂疎有素伉直无奇燈火半生僅叨末第急於祿養冒注尉曹尸素二朞邀無寸緒誤叨臺檄攝邑南康承乏未幾遽蒙申辟朝命未下忽罹家艱解職方歸又準臺命力奏起復懇辭弗獲忍死奉命惟是才薄不堪負乘甫逾浹旬鄰寇復作邑遭再燬民復流離所在為墟瓦礫彌望加以賴城一變皇皇愈不自安某自揆無他惟一身與民相倚為命苟一毫有補公家有利百姓惟

欽定四庫全書

翰苑新書別集

四

力是視幸而屏宇粗備竊立民居粗爾要安靖循其繇皆鎮撫一路之賜也某何有焉敢謂至仁在上與天無私化鈞一陶退不忍棄不求識面不待先容獨以微勞申剡予上一語重千鈞之力兩員收金壁之珍顧某何人特辱茲選出於公舉真為千載奇逢誓以終身留作一段佳話所恨職壓下邑無繇躬控謝忱姑寫寸丹敬憑尺墨某下情不勝感激歸依之至仰乞台照

某職雖小官塵坐姓氏事尊之初詎可無以自贅牽課

僂語披露推謝萬一之忱倘沐台慈霽威鑒識榮佩千億

某揆分崇嚴不敢躡申台閭福履之恭庀職微眇又不容僭請大府約束之日進退皇惕伏乞矜原

上判府聶貳卿

戴象麓

某伏以中和紀節農扈觀春恭惟某官紫禁名流黃堂靜治彤宸垂眷蒼昊薦加台侯動止萬福某吉蠲泓穎瞻望鈴齋冒昧申忱乞垂省錄

欽定四庫全書

翰苑新書別集

五

某仰惟戟衛蓬嚴幙府簡重天相耆德台斗森羅矧嚴望與鬱孤而比崇恩波共賴水以長衍祝頌謏語某不敢贅塵

某恭惟某官章天奎壁鎮地嵩衡凜凜千丈松不見節目森森五兵庫亦納維芒暫違禁聞之嚴出鎮藩方之重以蒙泉而滌漉千里以泰道而振拔羣才如天運一元雷動六合不惟踐伸蟄奮各遂生生之樂而蟲鳴魚躍亦與芻蕘之思歌轉上聞詔由中出奮庸而熙帝載

變理而亮天功此中外之所屬望也非某私懷

某一介小官奔走車塵馬足之下跪達牙肅儉更歲嘗
自揆墮身塵埃筵筵中以下邑而視大府如平地之望
霄漢邈無津梯可假以詣泰階盈尺之地稟命令而受
約束惟切翹首台躔常若道德之光實照臨之某不勝
榮幸

某迂愚無用自知甚明以半世蒲竹之勤衫色方青以
雙親桑榆之景髮華盡白備員一尉閱月將暮橫道無
欽定四庫全書

謝范新書別集

六

先容之資出谷罕求聲之援邈在僚底寸進之階無繇
所入俸微三釜之計弗給分之安也誰其念之某官大
度包荒至仁兼愛需層霄之膏澤雖境垓而亦需運大
匠之神斤雖侏儒而不弃凡當世之士經品題被容接
者莫不收名定價於龍門況某辱在屬吏一人之數哉
洗手奉公飲水厲行決不敢以負所學冒蹤陳情某不
勝戰慄跼蹐之至

某行識卑迂文詞簡斐既不能為昌黎三書之獻又不

能致馥茂一言之知攀奉寸心駢儷寸幅倘蒙錫之電
覽沐以春溫其為忻榮永矢銘篆

某戴惟一介底賤分守有截不敢百拜僭申藕花庭院
冰雪方壺列仙羣玉之門伏恐屬邑含有約束事件仰
乞下

干黃提刑求合失

戴象麓

某竊以夏律將中暑氣漸烈恭惟某官玉節倚天威惠
綽著天迪民詠台候動止萬福某謹蠲潔雪香九頓首
欽定四庫全書

謝范新書別集

七

奏記籤府以寓南楚小吏辦香之敬干涸蓬巖伏深兢
灼仰冀鑒在

某竊謂大賢君子一身與和氣周流則起居動作皆百
順之所形見于以咨詢于以澄按何往而非錫福庶民
之極者下更不勝至願惟訪諸功名之身式如玉如金
以端鸞坡鳳掖之台

某恭以某官天付斯文之宗主身任當世之安危自綰
銅章紆墨綬之時已屹然為禹門一砥柱矣潢池之波

不得而動搖綠林之霧不得而昏塞則坐之廟堂聲色不動而精神折衝談笑不勞而尊俎決勝江右偏環豈容久留十一州五十四縣之民則需澤矣而四海未霖雨也西樞東府虛位以須某尚能歌有功見知之雅

某竊伏惟念當此英雄豪傑辰星落落之秋而一代之偉人有如某官皆人所願執鞭望履者而或以勢分隔或以微賤羞終莫獲仰瞻使星之末光於霄漢之上則其目極皇華心遠翠節當如何其敬企耶維北斗昕夕欽定四庫全書

翰苑新書別集
卷一

仰止容光尚新必照

某無能不才十手所措惟有朱愚白朴盡其責于民朝夕惴惴然惟恐一毫獲戾不容不益加畏焉幸甚瓜代近在六月誤蒙台慈不以小吏之愚且拙而聽民乞留之請特與諸司列銜刺上先生所以成就之意弘矣然行止非人代者已曠乎其後所不獲終事先生天也日夕心口交誓倘此身未填溝壑無非圖報稱致奔走之日伏惟亮之

某三山儒素寡援少與格之以世道之風波則一番薦墨念不到此有幸自天前繡使葉先生奏辟今任與免職司常員一紙今歲之春又蒙本軍劄薦一章比者躬詣憲臺面稟城築之役初非有乞漿之意而詰朝春風之章恍從天下事出望外實天畀之也第孺生之鶚尚欠其一石建之馬書五乃成九仞為山恐虧一簣聚沙

成塔全在合尖仰祈台慈垂憐孤寒特與成就則銜荷恩紀寧有詣極某拳拳不勝頂踵歸依之至

欽定四庫全書

翰苑新書別集
卷一

上江提舉

年存齋

某伏以木令維新芳意於初恭惟某官燕香侯度龍節使華玉筍有歌瓊霄委脫台候動止萬福某已雪吏脫修敬賢士大之禮更不敢以分畫件具為恭先乞台照某家三山之陰凝睇吳天名勝如林僑札罕遇往歲別太白東游九畹芷蘭有香滿國蓋嘗斂衽起敬而佇立祇伏以拜下風幾若造物者之靳斯山見泰華水見黃河而猶以為未見君子不幾曠半生乎

某欽以其官一代偉流海內寡二問學如總龜駟牙浩博且富文章如美王之脫乎璞質大圭之登乎藻藉夏然不羣而盛心古道行止有常進退有度又不啻奏絲桐於筍笛之表屹巖洗於盆盎之中而高出流俗也靴霜待漏步武駸駸追霄漢乃翻然為巨廬賦歸柳見羞豈遽有如此者士風不競久矣所以砥柱頽波轉移世道者一世之望有攸屬而江西以來風流衣被文學之照映氣類之欣合又藹然與嶽麓相頡頏其規模氣象

欽定四庫全書

翰苑新書別集

十

蓋有在於浴度著宣之外也旂常鐘鼎何足為公道哉某崎嶇歷落舉世一人且衣冠中最後後叨第於未今二十春時事驅之流落至此誦少陵天吳紫鳳之句蓋不勝其憔悴也汗青悠緬別乘叨蹤揆其人恰相埒而諸公輒舉手相賀不賀其半刺而賀其得師也夫以平生願執鞭勒之心乃今昕夕丈席幸可量哉僑寄北峯屏息以俟時不敢躁代者諗以瓜孰進之退之所當俟命於大府推是其觸事面牆實無一可以事君子公庇

而私識之切有望於今日

某已拂策諷龜膏車秣馬圖展望塵之拜侍覲且有日矣不腆彛敬之外輒先勒此以布腹心于瀆威尊伏紙兢惕餘祈百鍊莊倪七襄鄭榮晉歸碧落之班某隸也不敢踵申潭府列仙之間恐浙西有驅策事某敢重承

欽定四庫全書

翰苑新書別集

十一

翰苑新書別集卷一

欽定四庫全書

翰苑新書別集卷二

劉

賀新江西帥銜參政

方鐵庵

其中冬謹月飛霜凝曉恭惟某官望章承弼命錫保釐
列雉向風百神交職台候動止萬福某齋宿而后裁書
東向行府又百拜而後敢進仰乞台鑒

某載壯鈞用屬辰之請敬陳邦人來莫之謠望紫氣旦

欽定四庫全書

翰苑新書別集

天則曰是有福星來照臨此土也聞好風東來則相告
語曰是又吾東君也牙森所向江靈候迎紗籠之身在
在次舍某愛助小忠更為百萬生靈恭致輔養黃庭之
禱

某茲審詔予重臣判大督府種宗蔽芾舊俗熙然騎竹
躍迎吾父至矣惟洪都為中興重地輔弼偃馬者固有
之其勲名赫奕相望先後則李忠定趙忠簡皆一至故
老所聞也大參政相公實再鎮故老所見也某一小吏

亦幸以其身親焉採一世之公論與一道之頌聲以自
及其一身之師慕與其際遇緝為儷語塵泥威尊犯分
有誅乞賜矜赦

某仰惟某官聲名在華夷功烈在彝鼎其規模宏潤精
神運用則在百世之上雖當世士能言之然念淳熙親
策儲宰相以輔聖後固欲其朝夕王所也十年鳳池自
有故實羣虎守闕孤舟橫渡一出則十年斬馬事定書
刀亟藏久十年則十年不啻也午橋野服幾若忘世退

欽定四庫全書

翰苑新書別集

思巖中寧能忘君以時推之則當為蒼生起矣未坐之
廟堂以收垂紳縉笏之功乃授之榮戟以訪佩玉鳴鑾
之舊腹心之謀與一臂孰急天欲平治巖瞻其舍諸
其家世于莆居最僻生最晚自兒童時則知有司馬公
矣嘗與四方人物共遊于釣播中又常與七聚編氓受
厘于賜履中顧泰階尺地猶天之不可階升也逐祿章
江于水則見西江于山則見洪崖意其猶有雄渾傑特
于此而未之滿于人則見真右史今又得見大參相公

真所謂洪河泰山不可以斗斛尋丈計子由年雖少亦既見歐陽公矣及見韓公而後謂之盡天下之大觀引領公衮以日為年

某一妄庸人至不足數徹名初贅賤請具陳年二十年乙丑秦賦劔津冷泮以冗見稱居閑歲久有書不讀識見短淺暗於時事隨羣計屬南適一年雙親諄飭毋苟祿養疲精案牘僅守故常飛輓大計一籌不畫學之不講面牆固宜願得大儒端拜而事公相分間實天錫逢

欽定四庫全書

徐氏新書別集

三

位貌穹崇縮不敢進然本朝諸老嘗接後進矣大參政相公先生尤以斯世人才為念某不足道而世之沈沈下僚者多矣欲望鈞慈憐其不可從之愚察其不欲苟之志豐殖而振德之此某與善類所望大庇寒士也嬰突控慝退聽戰悸

某謹畏冠履之分不敢抵冒僭申鈞閱雲階月地福祿之恭百吏仰首以聽油幢之號令某請預牛馬走之數

賀新江西帥曾參政

方鐵庵

某王春端月淑氣扶輿恭惟某官戒嚴大纛榮御華軒四履歡迎百靈奔湊鈞候靜作萬福某謹注薰臆肅壯賀大鈇府嬰觸威重悸不自寧

某歲元日望斗牛間有紫氣熒熒然茲為何祥既而魁台臨焉年貌孰若起居何如之問四海所同而西民獨以為誇某語之曰斯鼎也將為天下調斯袞也將為公歸考

某恭審起之東山命之南國鼎來十乘襟帶增雄雷動

欽定四庫全書

徐氏新書別集

四

三軍旗旌改色咸曰重臣實來防春無慮矣某觀昔之勲業最著者趙忠簡以副樞至李忠定揆也相繼經理整茲城池團結軍匠而閫之規撫始立增重上流造舟教戰而江之門戶始壯不寧惟是斷黃可撤事關鄰路則請可行蓋守雖在江必節制行於江之外而后可守今畫江而已又有柄分文恬武熙習以為常真右史昔嘗有言於斯謂九帥皆可以治兵為先而帥江右者尤當以治兵為急欲增團結之數推行之諸道練兵求將

或曰多事未一年沿江震恐其言果驗則辛巳歲也前此蘄黃日報平安自二城再葺之後不復報矣彼之血脈不屬吾之措置日緩公一代碩輔君相倚重惟所經畫真屹然長城也某拙於儷詞僅能以紹興帥洪之事獻為一道言耳若夫為一世謀則又推而為慶曆嘉祐焉辱嚴電之一照覆醬孰以亦甘

欽定四庫全書

翰苑新書別集

五

大學識有大力量有大氣節皆與之同茲鎮江右又與出使陝右同以今揆前事則差難七百里江面少費經畫顧脈絡關係則事有大於一面者靜觀天下安危之勢熟察人心向背之機釐正中國外夷之體平持君子小人之衡具有成式歷歷素定非嘗試用人之國者天若昨宋垂紳縉笏措安泰山何遜乎韓魏公乃邦國之光非閭里之耀雖然吾儕小人私切相語以為閭鄉榮某居莆晚出歲乙亥秋調闕修門親擊登庸銜袖謁樞

府其既進而退也若屬之目得一眴於疑似猶使人不忘況真蒙顧遇耶今使于此靡不奔走王帳下而某去有日獨其炯炯返嚮為蒼生望太平則不在朝夕見者後

欽定四庫全書

翰苑新書別集

六

某學迂而識不具得官十九年海上之祗猶乳獨青衫自如出泮佐臺無補澆畫凜凜土偶推去何之八畿歟無平戎之策可獻還山歟無負郭之田可耕營親養迺選坑所望於世者甚狹但願公相行道四方霖雨

某亦一物也倘兼收並蓄豈竹頭木屑之不如惟先生念之
某樛公有則不敢躡等申潭府釣卷典居之間且挑擔欲行不敢具文請封部要束之目

賀江西帥直右史

方鐵庵

某久謹孟月和泄小春恭恭惟某官雲來十乘風動百城定省燕喜神示駭奔台侯動止萬福某差辰治書諭磨行府仰闔賀床乞賜紓樞

其猶望紫氣間有光屬天父老舉首曰福星至矣牙纛所向江靈候迎然人一身負荷天地而茵憑致精特出於一道之私祝藩輿之行樂誦魯詩之熾昌者烜如也其敢隨萬喙之後而貢愛助之忠

某恭審出綸紫宸授鉞洪都論撰獨穹於祕殿保釐增重於潛藩非君相後天下以為心亦岳牧用詞人之故事春酣閨郡電走先聲某耳聽除音慮在斯世但既為江右一屬吏當為江右十一城生靈慶不腆儷語例申

欽定四庫全書

翰苑新書別集

卷二

賀忱意所激發狂不擇言嬰突有誅退而拱俟

某仰惟某官有司馬公碩望敵畏其名如陸宣公奏議家有其書雖當世能言之士不能贊一語況某乎切嘗妄謂自紹聖後士大夫出入兆國家安危矣南渡涵養每激必裂今日之事未至於激者殆天意也先生正色立朝言中幾微始則羣而驚中則側而伺久則翕而服然君側無人子思不安淮南寢謀汲黯亦出江之東泉之南外庸彰灼羣心無異論豈猶以為未足而求多於

方面耶今一方肅清百度脩舉先生之意可自得於湖山三邊未靖殘敵猶闖先王之道實未行於朝廷疇昔奏對之語歷歷著龜靡一不驗倘有以寇公不在中書為問者似未知所答天欲平治舍我其誰蓋國人日望之

某莆川一士姓字湮晦去秋之抄因道溫陵僭掣齋鈴宣慈不鄙與其進賜之坐寵以饋而十五年前劔溪幕府匆匆之一謁尚辱軫記始驚嘆大人君子所以收拾

欽定四庫全書

翰苑新書別集

卷二

人物者雖細不遺而某非其人也且感且奮栗違餘歲小夫竿櫓縮不敢前而現出處以為國之輕重者不在有識者後烟烟歸嚮

某山林鄙野輟耕漫仕無超時合變之長有固陋不通之癖乙丑塵忝今十五年僅嘗冷官於鐔津餘盡食貧之歲月居閑廢學自棄誰尤天分最耆吏事尤甚計臺列屬奚欠一寒良月三日南交賤守以辨則訥以畫則疎惕然四顧適有幸會洪儒開閭獲隸走趨父師在前

隨事書紳平生奇遇唯此時為甚仰冀熏慈弘造就之恩以為晚學之依推錫類之仁以遂雙親之養頂踵蒙賜權輿自今不負門牆當見他日伏焉矜體

某揆分有嚴不敢躍越申問行軒堂闈蓬島壽祺純嘏之間百吏仰首以聽先庚之約束某願執厠役之下陳

賀陳安撫

戴象麓

某伏以六月維夏一雨先秋恭惟某官荷蒙新榮藻旒

深眷制垣增重神銜愈嚴台候動止萬福某薰香滌額

欽定四庫全書

新元新書別集

九

百拜申慶聿蠡之下伏析鑒者

某仰惟天欲惠顧于一路為百城宅生之寄必有一代宗工出應時望福星所次在在皆眷頌德歌功融為百順詎容小夫贅禱仰乞永照

某恭審錫命巖宸即真法從輿情膏悅瑰望愈隆某辱在陶鎔尤深鼓舞伏惟慶愜某下情無任雀躍之至

某恭惟某官斯民元氣前輩盛心自任以當世之事功

悉本諸聖門之學力所養者皆諸老先生之未到所施

者真仁人君子之未能永鑑無心清微牛斗陽春有脚遍滿江閭暨出鎮於洪都益見知於丹扆適巨寇久為於民患而數年未即於天誅帝曰尚勞朕憂食曰莫如公可久詔自天而甫下單車即日以載馳果見擒賊於不一月之間未有收功如今日之捷宜頒異渥即正貳卿然上方寤寐真儒剋復舊物以成中興第一之舉匪伊一札起護諸將又非南浦西山所能留者某敢以天下之所期望者輒因慶福而私布之

欽定四庫全書

新元新書別集

十

某區區申慶無以自見僭課儷語唐突匠師倘辱霽威一展而擲之萬斯榮幸

某翹首紫府翠蓬大墟邈在霄漢不敢僭申即日福履何如之敬欽想休祥融液中外攸同

某伏恐下邑合有頌下教條謹百拜三肅以請

賀鄭建漕寶謨閣陞運使

方烏山

某伏以仲夏之月薰風微涼恭惟某官使節更新列城改觀九重眷倚兩儀薦休台候動止萬福某薰被函牘

贊名賀麻伏俟裁幸

某欽惟庸使鉅人事權山重新綸初播川猷動搖乾陽坤陰效職順事尚何書生惠序之請為某敢畧

某茲者恭審陞華寓直增重使名天上星躔喜部封之不改人間風采棠蔭教之一新凡在照臨同茲抃蹈恭惟歡慶某恭以某官仁義道德為時儒宗器能政理為今吏師其所開歷所踐數皆表表焉自植立非必以家世為重者廣受並拜安玄內舉眾論歸向久矣懷焉不居視歷節如鈞鼎履原隰如廟朝聖天子嘉惠遠人俯徇雅志崇階顯秩即地授之其為七閩計甚厚顧如中外之望何呂氏有夷簡韓氏有忠彥此我朝故事也秦且歸矣惟日俟之某匪佞

某每念瀕海一寒托身垓北中異顧深知似有宿昔所幸言字屢弗不獲時時自進於琴瑟書冊之前後當坐明道春風之和日竊子酸福星之照其為蒙茆微福固非八州泛泛僚屬比也傾心牆仞何嘗一夕不哦維北

欽定四庫全書

翰苑新書別集

卷二

斗之詩

某官冷如水自春風披拂一番便覺枯荻朽枿頓有生意長無鄭虔之罵友無孝先之嘲自非當世鉅公重人願遇主盟於其上鮮不免矣今使指益重巨蔭如天某幸備桃李數中不必壯士自然顏色惟有益自脩飭庶幾萬一他日不為品題之累某之所以報稱知己者在此詞語狂狷惟先生實憐而撫之

某辱在門館下陳禮合稟求臺檄躬詣增墀謁賀分不可越謹課儷語一通仰干丞史是亦惓惓之義耳倘經電囑擲去萬幸

某自揆么微不敢僭申相閱隨軒鈞轄之間共想由中及外新祉鼎來樵水委令某雖無能役敬當端笏稟聽

賀蕭宮講著即自倉除憲使

方鐵庵

某冬行成歲雪喜先春恭惟某官條令聿新光華益遠帝眷神依台候動止萬福某有齋乃心薰被慶牘以請于典籤仰祈省鑒

欽定四庫全書

翰苑新書別集

卷二

其恭審司吏策勲祥刑易節提封不改眷意實深方江
只有米色特詔持節循行郡國為之發倉庫蠲租賦寬
和糴元氣漸復又慮十一郡揚抑之間豈無舍如授以
綉斧其併為疏剔之民不饑矣不寬矣使事有指勞還
之日將朝而問一歲錢穀幾何問一歲決獄幾何相業
欽定四庫全書

欽定四庫全書

翰苑新書別集
卷二

十三

於是乎出此上意也天下公言也

某仰惟某官學問有用而體則具議論甚高而實可行其經綸當世規撫宏偉要使一民一物咸與並生非固嫉惡太甚者然其立朝也適當消長之機其握節也若與薰蕕者對易為君子謀決之剛決可也泰之包荒亦可也獨至於比之匪人或疑乎傷其當謹密也如此先生其必有以處之某短啟馳賀亦三致意焉蒙電鑒幸甚

某稟連英蕩之下閱日滋久小夫竿牘闕焉不嗣望列宿之躔與使星之次芒寒色正凜凜在目

某不材佐幙絲粟無補竊雲天之巨庇倖滿已多蒙陶鑄之大恩受知未報尚欠浮屠之類恐為沉陸之蹤衛大參雖有宿諾未之敢必來歲治歸躬造臺下控露謝悃敢乞併照

某雖為門下士師闕崇嚴望之如天人不敢躡等申問

某尚為部內吏霜臺肇建合有新約束敢不恪聽行下

欽定四庫全書

翰苑新書別集
卷二

4-67

賀瑞州游知府

湯息庵

某伏以瑞雲餽臘粉荔迎年恭惟某官銜戢凝香歌禱
溢喜穹琅斐扈台候動止萬福某寅飭緘魚晉尾賀燕
首蘄省覽

某戴惟循良迪化品彙宅生瑞日祥雲緝為純嘏葆猷
毓粹無俟於祈某敢畧

某恭審淫芝錫賸剖竹咨賢畫鹿夾轄甫泄江西之道
院銀龜開籙事新天上之恩光伏惟慶慳欽以某官清